



Sarajevo, 24-06-2026

Broj: 02- 19865-1/25

Na osnovu člana 69. stav (2) tačka d) Zakona o javnim nabavkama BiH ("Službeni glasnik BiH" broj 39/14, 59/22 i broj 50/24), člana 95. Statuta JP Elektroprivreda BiH d.d. - Sarajevo broj: (prečišćeni tekst) broj: NO-2190/21-41./2. od 25.01.2021. godine i broj: SD-20745/21-70./6. od 30.07.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst - broj: 06-8661-1/23 od 10.03.2023. godine, broj U-01-40623-1/23-18/34 od 14.11.2023. godine i broj U-01-12945-1/26-243/21 od 28.04.2026. godine, Izvršni direktor za proizvodnju, na preporuku Komisije za javne nabavke, d o n o s i

ODLUKU
o poništenju postupka nabavke

JAVNO PREDUZEĆE ELEKTROPRIVREDA BOSNE I HERCEGOVINE d.d.	
SARAJEVO	
PODRUŽNICA TERMoeLEKTRANA "KAKANJ" KAKANJ	
BR. ODLUKE	26 06-2026
BR. PROTOKOLA	9279-1/2026
ORGANIZACIONA JEDINICA	BL-65
PRILOG	

Član 1.

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu "Nabavka ulja za hidraulične spojnice" za potrebe Podružnice Termoelektrana "Kakanj" Kakanj, broj: 2000045353 po Otvorenom postupku javne nabavke uz korištenje e - aukcije, jer nijedna primljena ponuda nije prihvatljiva.

Član 2.

Stavlja se van snage Odluka o dodjeli ugovora drugorangiranom ponuđaču u otvorenom postupku javne nabavke broj 02-17506-1/26 od 05.06.2026. godine.

Član 3.

Ova odluka stupa na snagu danom donošenja, a objavit će se na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 4.

Za realizaciju ove Odluke zadužuje se Služba za komercijalne poslove Podružnice Termoelektrana "Kakanj" Kakanj.

O b r a z l o ž e n j e

U postupku javne nabavke, čiji je predmet Nabavka ulja za hidraulične spojnice za potrebe Podružnice Termoelektrana "Kakanj" Kakanj, broj: 2000045353, obavještenje sa portala javnih nabavki broj 1424-1-1-11-3-48/26, objavljeno dana 23.02.2026. godine na portalu javnih nabavki, te u Službenom glasniku BiH broj 16 dana 27.02.2026. godine, nakon provedenog postupka, ugovorni organ je donio Odluku o izboru prihvatljivog ponuđača, broj 02-12187-1/26 od 20.04.2026. godine.

Nakon što je izabrani ponuđač VALVOSON d.o.o. Busovača odustao od zaključenja Ugovora broj 56-TEKA-26 za realizaciju predmetne nabavke, Ugovor je Odlukom o dodjeli ugovora drugorangiranom ponuđaču u otvorenom postupku javne nabavke broj 02-17506-1/26 od 05.06.2026. godine dodijeljen drugorangiranom ponuđaču BIOL d.o.o. Konjic sa cijenom ponude od 22.280,00 KM.

Odlukom od 05.06.2026. godine ponuđač BIOL d.o.o. Konjic je obavezan da u roku od 5 (pet) dana od dana prijema iste dostavi dokumente navedene u tački 6.2.2. tenderske dokumentacije broj 2000045353.

Drugorangirani ponuđač BIOL d.o.o. Konjic, kojem je dodijeljen ugovor odlukom od 05.06.2026. godine, nije dostavio tražene dokumente, u skladu sa članom 3. Odluke i u skladu sa tenderskom dokumentacijom, nego je dostavio Izjavu o neproduženju validnosti ponude, pa je njegova ponuda neprihvatljiva.

Budući da ponuđač BIOL d.o.o. Konjic nije dostavio tražene dokumente u skladu sa članom 45. stav (1) tačkama a) do d) ZJN BiH, ugovorni organ sa istim ne može nastaviti postupak dodjele ugovora za predmetnu nabavku. Ugovorni organ, nakon što je iscrpio mogućnosti dodjele ugovora rangiranim ponuđačima, više nema na raspolaganju nijednu prihvatljivu ponudu s kojom može zaključiti ugovor.

Na osnovu svega navedenog, a u skladu sa odredbom člana 69. stav (2) tačka d) Zakona o javnim nabavkama BiH, donesena je Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke.

Izvršni direktor za proizvodnju

Fahruddin Tanović



Dostaviti:

- Ponuđačima
- Sektoru za ekonomske poslove
- a/a